



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

CCCVI. Gründung einer Commende in der Elisabeth - Kapelle der Neustadt Salzwedel, vom 11. Mai 1427.

Nutzungsbedingungen

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

CCCVI. Gründung einer Commende in der Elisabeth-Kapelle der Neustadt Salzwedel,
vom 11. Mai 1427.

We Arnd Bock, Hans Wifede, Tideke van Hildesem, Kerften Bodenstedt, Clawes Molitze, Henne Langen, Hans Cowelitze, Heine Schulte, Hans Schroder vnd Clawes Krogger, Radman in de nygen stad Soltwedel, bekennen — dat vor vns sint gewesen — her Hinrik Stapen, Perner tho Chüyden, Heilewich, sin Moder, vnde her Arendt Scherer, prester, vnd hebben be-
kandt — dat se tofamme — maken to ewigen tiden — to missen, dar en prester, de de misse holden schal in der nigen capellen sunte Elzeben in vnser stad, dar de prester affleuen schal, vnde de missen schullen denen der Broderscop vnde ghilde vnser lewen vrowen in vnser stad In desse Wise, Dat her Hinrik vnd Heilewich — na erer twiger dode willen geuen veer Mark penn. Soltw. were, belegen in dem dorpp to Jarfow, vnde dre Mark geldes derfuluen were — vnde ere hus vnde hoff, vnde na erer twigen dode, weme desse almiffen vallen, de schul mit Willen vnde Volborde des rades — dat Hus vn Hoff vorkopen, mede den pennigen schal me rente kopen — vnde leyghen des to des presters prouende, de de missen holden schall. Vnde her Arend Scherer ok na sinen vnd syner süster Metten, Beneke Witinges Wedewe, dode will geuen — vif Mark penn. Rente der ergenanthen wering, vnde sin hus vnde hoff, dar de prester, de de almiffen vordenen schal, na hern Arndes vnde siner süster dode — inne wonen schal, vnde de inwoner desse vorseuen huse vnde houe scäl beteren, de he in weren vnde in brukinge heft. Were ok, dar god vor sy, desse vorseuen her Hinrik, Heilewich, sin moder, her Arnd, sin süster Mette in noden, armode edder sike vellen, so schall vnde mach sik en gewelk mit deser erer rente vnde gaue ene Mark geldes na der andern vorkopen vnde mit dem gelde sik redder vnde lauen, de wile he leuet. Vnde een jewelck mach van siner rente syne Bigraff — af laten began, als it enem jewelken temelik sy — —. Welck erer her Hinrik edder her Arnd on andere ouerleuet, de scäl desse rente, huse vnde houe te tyd synes leuendes, vthgenomen Heilewich vnde Metke, de erer gulde vnde rente vnde huse de tyd eres leuendes bruken schullen, de enem jewelken gemacht edder geuen sy. We mit dessen almiffen begnadet vnd bevolen wert, de schal holden in der Weken Missen, so he vakeft kan, so id eme nen redlik nod beneme, vnde holden de misse, alz id den perner vnde dem Rade in vnser stad beqveme sy. Wat des perners vicarii Altaristen vnde de andern commendati don, dat scäl dusse prester sunte Elzeben Capellen ok don. Vnde her Hinrik vnde her Arend hebben vns eren guden Willen bewifet vnde geuen dem Rad in vnser stad de vorseuen Beuelinge der ergenanthen Almiffe vnd gaue van erer wegen to ewigen tyden dorch god to beuelende enen prester, de den armen darfuluest allerbeqvemest sy vnde de almiffen suluer mit missen verdenen will. — — Darnegeft to alle jaren to ewigen tyden scäl de vpborer desse Almiffe dem Rade in vnser Stad, wen sick de Rad scheidet, in dem advente schenken een stoueken Wines an Wine edder an pennige. Des hebben desuluen her Hinrik vnde her Arnd vns gebeden dorch god, dat we de beuelinge deser vorseuen Almiffen, stücken vnde missen in vnser Capelle to sunte Elzeben willen liden vnde irlouen — —. Vnde der to orkunde vnd groter Wissenheit hebbe wy vnser stad Ingefegel wiliken henghen laten an dessen Breff, de geuen is — vertein hundert Jar, darna in deme seuen vnde twintigsten Jare, des fridages na dem drüdden fondage na Pasche, als man singet Jubilate.